

〔貞享曆〕請革曆表

臣保井算哲誠惶誠恐頓首再拜言治曆明時人皇以來立日官而平曆數頒諸四海以授人時其爲德也大矣哉欽惟方今矜育黎庶制法設度復無不足可謂海內治平道義之秋也而曆學獨不顯暗昧無聽妄以傳妄謬以承謬尙矣實昭代之一缺事也臣聞曆數一差寒暑過候耕種失時農桑無利者矣是以唐堯正曆象周公測日景前聖之所重焉本朝五改曆矣臣曾受星學於岡野井玄貞而後累年立表測晷正知所頒行之宣明曆後於天二日矣今精于天文則陰陽頭安倍泰福踰千古矣有松田順承者審於曆數矣伏按與達天文曆學者議之正曆象節氣朔望無差則風雨時天人和澤被天下永施後世乎臣逢聖明之時得列于厩馬之後實大幸也竊恐一日犬馬齒盡填國恩之萬一亦不可得獻芹之私志眷々不已越位上言敢陳區々垂仁採納焉抗表實惶誠恐頓首々々

天和三年十一月冬至日臣保井算哲源春海謹奉

大統曆

〔泰平年表常憲公〕貞享元年四月廿九日新曆頒行被仰出

〔貞享曆〕貞享曆引

權右中辨藤原朝臣詔光傳宣左大臣宣奉勅貞觀以降所被用曆及數百年依天推步差停宣明曆可用大統曆仰陰陽曆道等博士者

貞享元年三月三日修理東大寺大佛長官主殿頭兼左大史算博士小槻宿禰判奉

改曆陣儀次第

上卿著仗座次職事來軾仰仰詞退其詞貞觀以降所用曆及數百年依天推步次上卿召辨仰仰詞事如職事次職事來軾仰詔書事退其詞貞觀以降所用曆及數百年依天推步次上卿召大內記進詔書事仰詞如次內記進詔書草次上卿招職事奏聞詔書草歸出仰可令清書由次上卿奏詔書清書奏聞畢返給次上卿召中務仰施行事次上卿退出